

Bibel fa Kjinja brinj't junt

De scheensta Sän woat een Sklow



Jeschräwen von: Edward Hughes
Jemolt von: Byron Unger; Lazarus

Äwasat von: Ed Zacharias
Toom Pauss jestalt von: M. Kerr; Sarah S.

De 7. Jeschicht von 60

www.M1914.org

Bible for Children, PO Box 3, Winnipeg, MB R3C 2G1 Canada

Jesazlich: Du doascht dise Jeschicht oppnämen ooda drekjen, soo lang aus du dee nich vekjafst.

Plautdietsch

Low German

Isaac wia sea jlekjlich. Sien Sän Jacob wia tus.
Soogoa Esau, dee emol säd hee wudd am doot
moaken, freid sikj daut hee trigj wia.
Oba Jacob siene Säns wieren nich
scharftich. Jacob trock äaren
kjlienen Brooda
Josef vää.




1

Josef siene Breeda stieeden sikj noch mea aus hee
an siene Dreem vetald. "Miene Goaw Jeträajd stunt
steil, un de Breeda äare kjneeden sikj," säd Josef.
Dis Droom meend daut hee
wudd wichtja sennen
aus de Breeda.



2



En Josef sien tweeda Droom kjneeden de Sonn, Mon un Stierns ver am. Sien Voda Jacob stieed sikj daut Josef sikj äwa siene Elren un Breeda stald.

3




Een Dach schekjt Jacob Josef oppe Stap, wua siene Breeda Vee Häaden heeden. De Breeda sagen am komen. "Well wie disen Dreema aufschauften," meenden see. Josef wist nich woo jefädlich daut fa am wia.

4



De elsta Brooda, Ruben, jleicht daut nich. "Wie sellen nich Bloot vejeeten," säd hee. "Kjikjt, hia es een Loch. Lot am doa stoawen." Ruben wull Josef zeowes loosloten.

5



Aus Josef bat an kjeem, neemen see am faust, reeten am sienen Rock auf, dän besonda schmocken Rock dän Jacob fa am jemoakt haud, un schmeeten am en daut Loch.

6



Aus Ruben doa nich wia, kjeemen eene Grupp von Kameelen doa vebie, opp äaren langen Wajch no Ägipten.

7



Een Brooda, Juda, säd, "Well wie Josef vekjeepen." Daut wia haustich jedonen; see vekoften Josef fa 20 Selwastekja.


8

Josef haud Angst un wia truarich, oba kunn doa nuscht met doonen, aus hee met de Kameelen met must. Wajch von siene Famielje un Tus.



9

"Es dit Josef sien Rock? Dee es bloodrich. Wie fungen dän oppe Stap." Daut wia nich fein daut de Breeda äaren Voda leeten vestonen daut sien scheensta Sän von een willet Tia wia doot jemoakt. Jacob vereet siene Kjeleda un truad. Kjeena kunn am treesten.



10

En Ägipten mott Josef Angst jehaut haben, un hee bangd sikj. Oba hee kunn nich wajchranen. Hee wia een Sklow en däm huach-be-aumten Potifar sien Hus. Potifar sach daut Josef goot oabeid un daut hee sikj opp am veloten kunn.



11

"Aules waut du deist kjemt goot ut," säd Potifar to Josef. "Gott halpt die. Du saust mien väaschta Kjnajcht sennen, äwa aul miene Jeschaften un äwa aule andre Sklowen."



12

Gott jeef Potifar goode Arnten un muak am rikj, wäajen Josef. Uk nu, aus een wichtja Maun, hilt Josef sikj aun Gott un deend am bestendich. Oba dan kjeem Trubbel.



13

Potifar siene Fru wia schljacht. See wull haben daut Josef sikj met ar sull dol-lajen. Josef deed daut nich. Hee wia Gott nich onjehuarsom; hee deed nich Potifar aufschnuzen.




14

Aus de Fru am bemotten
wull, rand hee wajch.
Oba see kjrieech sien
Wanikj to hoolen
un hilt däm.



15

"Dien Sklow fua mie too," säd Potifar siene Fru.
"Kjikj! Hia es sien Wanikj!" Potifar wort sea doll.
Veleicht wist hee daut siene Fru lieejen deed, oba
hee must waut doonen. Waut
sull hee doonen?



16

Potifar stopt Josef
em Jefenkjnis. Wan
hee uk nich schuldich
wia wort hee nich
betta ooda doll.



17

Veleicht lieed hee von
waut hee derch wia,
daut eendoont wua hee
wia, wan hee Gott tru
wia, wudd Gott am
ieren—soogo em
Jefenkjnis.



18

De scheensta Sän woat een Sklow

Eene Jeschicht von en daut Wuat Gottes,
de Bibel

finjt eena en

1. Mose 37, 1. Mose 39

"Wan dien Wuat openboat woat,
jeft daut Licht." Psalm 119:130

Gott weet daut wie schlaecht jedonen haben, waut
hee Sind nant. De Strof fa Sind es de Doot.

Gott es ons soo goot daut hee sien Sän Jesus schekjt,
daut hee fa ons aum Kjriez storf un onse Schult betold.
Jesus stunt vom Doot opp un es trigj nom Himmel
jefoaren! Nu kaun Gott ons onse Sind vejäwen.

Wan du von diene Sinden west wajchdreien, dan saj
dit to Gott: Leewa Gott, ekj jleew Jesus es fa mie
jestorwen un daut hee nu wada läft. Komm en mien
Läwen un vejeff miene Sinden, soo daut ekj nu kaun
nieet Läwen haben, un noch emol opp emma no die
komen. Halp mie fa die to läwen aus dien Kjint. Amen.
Johanes 3:16

Lass de Bibel un räd jieda Dach met Gott!